

ents' Union
yr Caerdydd



Student Academic Reps
Cynrychiolwyr Academaidd Myfyrwyr

SION
ID

OR
LY

Llawlyfr Cynrychiolwyr Academaidd Myfyrwyr '26/27

Home of the Student Voice
Cartref Llais y Myfyrwyr



Cardiff
Students'
Union

Undeb
Myfyrwyr
Caerdydd

Cynnwys

2. Neges gan eich Rhag Is-Ganghellor Addysg a Phrofiad Myfyrwyr
3. Neges gan eich Swyddogion Sabothol
5. Eich Undeb Myfyrwyr
6. Eich Tîm Llais y Myfyrwyr
7. Eich Coleg – Y Celfyddydau, y Dyniaethau a'r Gwyddorau Cymdeithasol
8. Y Eich Coleg - Gwyddorau Biofeddygol a Bywyd
9. Eich Coleg - Y Gwyddorau Ffisegol a Pheirianneg
10. Rôl Cynrychiolydd Academaidd Myfyrwyr
11. Rôl y Cadeirydd
12. Rôl yr Is-gadeirydd
13. Paneli Staff-Myfyrwyr
15. Casglu Adborth
16. Y Ddolen Adborth
17. Neuaddau Tref Cynrychiolwyr Myfyrwyr
18. Cyfleoedd Datblygu
19. Prosesau Democrataidd
20. Tystysgrifau Cynrychiolwyr
21. Gwobrau Cynrychiolwyr Academaidd Myfyrwyr
22. Cyfeirio
25. Taclo'r Termau
27. Llwyddiannau Myfyrwyr
28. Cysylltu â'ch Swyddogion Sabothol

**Home of the Student Voice
Cartref Llais y Myfyrwyr**

Croeso



Amanda Tonks,

Dirprwy Is-ganghellor Dros Dro Addysg a Phrofiad Myfyrwyr

“Fel Dirprwy Is-ganghellor Dros Dro Addysg a Phrofiad Myfyrwyr, rwyf wedi ymrwymo i weithio mewn partneriaeth â’n myfyrwyr–gwranddo ar eich barn ac, yn bwysicaf oll, gweithredu ar yr hyn a ddywedwch wrthym.

Mae Cynrychiolwyr Academaidd Myfyrwyr yn rhan bwysig iawn o hynny. Rydych chi’n helpu i sicrhau bod lleisiau myfyrwyr yn cael eu clywed a’u

hadlewyrchu yn y penderfyniadau a wnawn, boed hynny’n ymwneud â’ch cwrs, eich ysgol, neu brofiad ehangach myfyrwyr yng Nghaerdydd.

Mae gennym gynlluniau uchelgeisiol i gefnogi llwyddiant myfyrwyr, ac mae eich rôl yn allweddol i’n helpu i’w cyflawni. Drwy gasglu adborth gan eich cyd-fyfyrwyr, eu diweddarau yn rheolaidd, a gweithio’n agos gydag Undeb y Myfyrwyr a staff y Brifysgol, byddwch chi’n helpu i wneud gwahaniaeth gwirioneddol i brofiad y myfyrwyr.

Diolch i chi am gynnig eich hun i fod yn Gynrychiolydd Academaidd Myfyrwyr. Rydym yn falch iawn i’ch cael chi ac yn edrych ymlaen at weithio gyda chi dros y flwyddyn nesaf.”

Eich Swyddogion Sabothol



Llongyfarchiadau! Rydych chi bellach yn gynrychiolydd academiaidd, ac rydym ni'n gobeithio y byddwch chi'n cael blwyddyn wych yn eich rôl.

Mae cynrychiolaeth myfyrwyr yn un o egwyddorion craidd Undeb y Myfyrwyr, felly mae'n bwysig iawn i ni ein bod ni'n sicrhau bod pob myfyriwr yn cael yr amser gorau posibl yn ystod eu profiad prifysgol. Felly, ni ddylid tanseilio rôl cynrychiolydd academiaidd oherwydd gallwch chi wneud newid gwirioneddol a all arwain at weithredu!

Nid yw'r gwaith a wnawn fel swyddogion sabothol yn bosibl heb y gwaith anhygoel y byddwch chi'n ei wneud fel cynrychiolwyr academiaidd. Boed hynny'n gweithio'n uniongyrchol gyda chi trwy ymgyrchoedd, cyfarfodydd, a chyfarfodydd unigol neu boed yn syml yn gweld cofnodion eich cyfarfodydd lle gallwn nodi tueddiadau a materion i'w codi i uwch reolwyr, nid yw llais myfyrwyr yn gweithredu heboch chi.

Mae bod yn gynrychiolydd yn dod â manteision! Mae'r profiad personol a gewch a'r cysylltiadau a wnewch yn amhrisiadwy. Mae cynnydd personol yn un o'r pethau mwyaf gwerthfawr y byddwch chi'n eu cael o'r rôl hon ac mae'n edrych yn wych ar eich CV. Tua diwedd y flwyddyn, rydym hefyd yn cynnal Gwobrau Cyfoethogi Bywyd Myfyrwyr ac os ydych chi wedi gwneud cyfraniad rhagorol yna efallai y cewch eich enwebu am wobr... a hyd yn oed ennill!

I grynhoi, yr hyn rhowch chi i mewn eleni yw'r hyn a gewch chi allan ohono. Cynrychiolwch eich cyfoedion, byddwch y newid rydych chi am ei weld a mwynhewch y profiad!

Rhai Awgrymiadau Defnyddiol:

- Byddwch yn ystyrlon i fyfyrwyr ac aelodau staff. Chi yw'r bont rhwng y ddau ac felly mae angen i chi fod yn ymwybodol o safbwyntiau eich gilydd i weithredu'n effeithiol.
- Byddwch yn agored ac yn hyderus. Fe fydd yn eich helpu i gasglu adborth pwysig gan fod pobl yn eich gweld fel person sy'n gofalu ac sy'n hawdd mynd ato. Yn yr un modd, bydd yn eich galluogi i gyfleu eich pwyntiau mewn ffordd y bydd staff a myfyrwyr yn sylwi arni.
- Yn olaf, byddwch yn gyfathrebwr clir. Cadwch bethau'n syml ac yn fyr wrth roi adborth i staff neu roi adborth ar newidiadau i fyfyrwyr. Mae clir a chryno bob amser yn ennill a bydd yn galluogi pawb i ddilyn eich prosesau meddwl."

Eich Tîm Swyddogion Sabothol 2026-27

Eich Undeb Myfyrwyr



Mae Undeb Myfyrwyr Prifysgol Caerdyddyn cael ei gydnabod fel Undeb Myfyrwyr blaenllaw ac yn rhan annatod o Brifysgol Caerdydd. Ein nod yw bod wrth galon profiad myfyrwyr Caerdydd trwy weithio gyda phob myfyriwr i wella eu profiad prifysgol. Oeddech chi'n gwybod eich bod yn dod yn aelod o Undeb y Myfyrwyr yn syth ar ôl ymrestru ym Mhrifysgol Caerdydd?

Ein Diben

Hyrwyddo buddiannau a lles myfyrwyr Prifysgol Caerdydd yn ystod eu cwrs drwy gynrychioli, cefnogi a chynghori myfyrwyr.

Bod yn sianel gynrychioliadol gydnabyddedig rhwng myfyrwyr, Prifysgol Caerdydd, ac unrhyw gyrff allanol eraill.

Darparu gweithgareddau cymdeithasol, diwylliannol, chwaraeon, a hamdden, a fforymau ar gyfer trafodaethau a dadlau ar gyfer datblygiad personol myfyrwyr.

Rydym Hefyd yn Hyrwyddo 4 Gwerth

Arweinyddiaeth Myfyrwyr – Rydym yn darparu hyfforddiant, cymorth ac arweiniad i'ch helpu i gymryd yr awenau wrth wneud newidiadau cadarnhaol i'ch cwrs a'ch profiad academiaidd ehangach.

Cynhwysiant – Fel cynrychiolydd academiaidd myfyrwyr, mae'n bwysig eich bod yn ymdrechu i ymgysylltu â phob myfyriwr ar eich cwrs a'u cynrychioli.

Partneriaeth – Mae'r Brifysgol, Undeb y Myfyrwyr a Chynrychiolwyr Academiaidd Myfyrwyr yn gweithio mewn partneriaeth i wneud y profiad addysgol gorau y gall fod i fyfyrwyr.

Amrywiaeth – Rydym yn gwerthfawrogi amrywiaeth ymhlith Cynrychiolwyr Academiaidd Myfyrwyr, ac rydym am weithio gyda chi i ddileu rhwystrau i addysg.

Mae Tîm Llais y Myfyrwyr yn rheoli'r strwythur Cynrychiolaeth Academiaidd mewn partneriaeth â'r Brifysgol, ac yn gweithio i gefnogi a grymuso myfyrwyr sicrhau bod eu lleisiau'n cael eu clywed. Mae hyn yn cynnwys sicrhau bod cynrychiolaeth myfyrwyr ar bob lefel o wneud penderfyniadau. Mae'r Swyddogion Sabothol etholedig yn dibynnu ar yr adborth a ddarperir gan bob Cynrychiolydd Academiaidd Myfyrwyr i sicrhau bod unrhyw newidiadau a wneir er lles myfyrwyr.

Eich Tîm Llais y Myfyrwyr

Llongyfarchiadau ar ddod yn Gynrychiolydd Academiaidd Myfyrwyr! Undeb y Myfyrwyr yw cartref llais y myfyrwyr ym Mhrifysgol Caerdydd ac mae'r Undeb yma i gynrychioli eich diddordebau academiaidd. Ers 2014 mae Tîm Llais y Myfyrwyr yn Undeb Myfyrwyr Prifysgol Caerdydd wedi rheoli'r strwythur Cynrychiolaeth Academiaidd Myfyrwyr mewn cydweithrediad â'r Brifysgol.

Fel tîm, rydym yn ymdrin ag ystod eang o feysydd, o gynrychiolaeth academiaidd a pholisi i ddemocratiaeth ac ymgyrchoedd. Rydym yn gweithio mewn partneriaeth â Phrifysgol Caerdydd i eirioli llais y myfyrwyr ar bob lefel a rhoi cyfle i fyfyrwyr fod yn gyd-grewyr eu profiad prifysgol.

Rydyn ni'n creu'r hyfforddiant a ddarperir i chi fel cynrychiolydd, a bob blwyddyn rydym yn ailymweld â'r hyfforddiant ac yn ei adolygu yn seiliedig ar eich adborth. Drwy gydol y flwyddyn, byddwch yn derbyn cylchlythyr gennym yn rheolaidd i amlinellu gwybodaeth allweddol a digwyddiadau sy'n bwysig i chi. Dywedwch wrthym beth rydych chi'n ei wneud fel y gallwn ei gynnwys yn ein cylchlythyr neu yn ein hymgyrch Llwyddiannau Myfyrwyr!

Rydym wedi ein lleoli ar 3ydd llawr Undeb y Myfyrwyr ar Blas y Parc, ac yn y Lolfa IV ym Mharc y Mynydd Bychan, felly dewch i'n gweld unrhyw bryd! Rydyn ni eisiau clywed gennych chi, unrhyw broblemau sy'n codi, neu unrhyw syniadau gwych sydd gennych chi. Gallwch chi alw i mewn, neu cysylltwch â ni yma:

Tîm Llais y Myfyrwyr



studentreps@cardiff.ac.uk



02920 781 448



@CardiffStudentVoice

Eich Coleg:

Coleg y Celfyddydau, y Dyniaethau a'r Gwyddorau Cymdeithasol (AHSS)

Mae Coleg y Celfyddydau, y Dyniaethau a'r Gwyddorau Cymdeithasol yn cynnwys 5 ysgol:

- Ysgol Busnes Caerdydd (CARBS)
- Ysgol y Dyniaethau Byd-eang (HUMAN)
- Ysgol Newyddiaduraeth, Cyfryngau a Diwylliant (JOMEC)
- Ysgol y Gyfraith a Gwleidyddiaeth (LAWPL)
- Ysgol y Gwyddorau Cymdeithasol a Gofodol (SOSSS)

Coleg y Celfyddydau, y Dyniaethau a'r Gwyddorau Cymdeithasol yw'r coleg mwyaf ym Mhrifysgol Caerdydd gyda dros 12,000 o fyfyrwyr. Mae'r ysgolion yn AHSS wedi'u lleoli'n bennaf yn Cathays.

Yn 2025/26, roedd 438 o gynrychiolwyr ar draws y coleg, yn gweithio yn eu hysgolion i wella profiad myfyrwyr.

Deon y coleg yw:

Dr Rob Gossedge

Eich Coleg:

y Gwyddorau Biofeddygol a Bywyd (BLS)

Mae Coleg y Gwyddorau Biofeddygol a Bywyd yn cynnwys 7 ysgol academiaidd:

- Ysgol y Biowyddorau (BIOSI)
- Ysgol Deintyddiaeth (DENTL)
- Ysgol y Gwyddorau Gofal Iechyd (HCARE)
- Ysgol Optometreg a Gwyddorau'r Golwg (OPTOM)
- Ysgol Feddygaeth (MEDIC)
- Ysgol Fferylliaeth a Gwyddorau Fferyllol (PHRMY)
- Ysgol Seicoleg (PSYCH)

Mae Coleg y Gwyddorau Biofeddygol a Bywyd yn goleg sy'n ymestyn ar draws dau gampws. Gyda'r Ysgolion Gwyddorau Gofal Iechyd, Deintyddiaeth a Meddygaeth wedi'u lleoli ar gampws Parc y Mynydd Bychan, mae llais y myfyrwyr yn cael ei drosglwyddo ar draws Caerdydd. Mae Cynrychiolwyr Academaidd Myfyrwyr ym mhob ysgol yn gweithio'n galed i godi adborth ar addysgu clinigol, amserlennu, lleoliadau gwaith a mwy.

Yn 2025/26, roedd 237 o gynrychiolwyr ar draws y coleg, gyda phob un yn cyfrannu at newidiadau allweddol i holl fyfyrwyr y coleg.

Deon Dros Dro y coleg yw:

Jill Morgan

Eich Coleg:

y Gwyddorau Ffisegol a Pheirianeg (PSE)

Mae coleg y Gwyddorau Ffisegol a Pheirianeg yn cynnwys 4 ysgol academiaidd:

- Ysgol Pensaerniaeth (ARCHI)
- Ysgol y Gwyddorau Cyfrifiadurol a Mathemategol (COMAT)
- Ysgol Peirianeg (ENGINE)
- Ysgol y Gwyddorau Ffisegol, Cemegol ac Amgylcheddol (PACER)

Coleg y Gwyddorau Ffisegol a Pheirianeg yw'r coleg lleiaf yn y brifysgol, gyda thua 6500 o fyfyrwr. Mae'r holl ysgolion wedi'u lleoli yn Cathays.

Yn 2025/26, roedd 279 o gynrychiolwyr ar draws y coleg, sydd wedi bod yn allweddol wrth wneud newidiadau i brofiad myfyrwr.

Deon y coleg yw:

Dr Martin Chorley

Rôl Cynrychiolydd Academaidd y Myfyrwyr

Amcan y Rôl:

Mae Cynrychiolwyr Academaidd Israddedig, Ôl-raddedig wedi'i Addysgu ac Ôl-raddedig Ymchwil yn cynrychioli buddiannau academaidd y myfyrwyr ar eu cwrs, gan gasglu adborth i'w drafod gyda staff yr ysgol a bod yn rhan o wella unrhyw faterion sy'n seiliedig ar y cwrs.

Cyfrifoldebau:

- Mynychu hyfforddiant gydag Undeb y Myfyrwyr
- Mynychu gweithdy eich ysgol
- Mynychu Paneli Staff-Myfyrwyr (PSMau)
- Hyrwyddo eich rôl ymhlith eich cyfoedion
- Casglu adborth cadarnhaol ac adeiladol gan fyfyrwyr eraill i rannu ag aelodau o staff perthnasol
- Cydweithio â staff i wneud newidiadau cadarnhaol i'ch cwrs
- Cau'r ddolen adborth drwy adrodd yn ôl i fyfyrwyr am unrhyw ddiweddariadau
- Cyfeirio myfyrwyr at wasanaethau defnyddiol y brifysgol ac Undeb y Myfyrwyr
- Ymgysylltu â gweithgareddau Undeb y Myfyrwyr dros y flwyddyn
- Mynychu Neuadd y Dref Cynrychiolwyr Myfyrwyr



Rôl y Cadeirydd

Mae Paneli Staff-Myfyrwyr (PSMau) yn gyfarfodydd wedi'u harwain gan fyfyrwyr rhwng staff a myfyrwyr gyda'r pwrpas o drafod adborth myfyrwyr. Mae Cadeirydd ac Is-Gadeirydd yn cael eu hethol o'r Cynrychiolwyr Academaidd.

Os oes gennych ddiddordeb bod yn Gadeirydd neu'n Is-Gadeirydd, cysylltwch â Chydlynnydd Cynrychiolwyr Academaidd (CCA) eich ysgol.

Amcan y Rôl:

Gweithio'n agos gyda'r Is-Gadeirydd a'r CCA i sicrhau bod y PSMau yn drefnus ac yn effeithiol, a bod yn gyswllt allweddol ar gyfer y panel yn eich ysgol.

Cyfrifoldebau:

- Cadeirio Paneli Staff-Myfyrwyr
- Rheoli'r drafodaeth yn Paneli Staff-Myfyrwyr
- Penodi camau gweithredu yn y Paneli Staff-Myfyrwyr
- Cadw amser yn y Paneli Staff-Myfyrwyr
- Gosod y dyddiad ar gyfer y Paneli Staff-Myfyrwyr, a chadarnhau'r agenda ymlaen llaw
- Gweithio gyda'r Is-Gadeirydd i wahodd staff a myfyrwyr perthnasol i'r paneli
- Gweithio mewn partneriaeth â'r Is-Gadeirydd a'r Cydlynnydd Cynrychiolwyr Myfyrwyr
- Hyrwyddo ymddygiad proffesiynol yn y Paneli Staff-Myfyrwyr
- Mynychu Neuadd y Dref Cynrychiolwyr Myfyrwyr gyda Deoniaid y Colegau

Rôl yr Is-Gadeirydd

Amcan y Rôl:

Gweithio'n agos gyda'r Cadeirydd a'r CCA i sicrhau bod y PSMau yn drefnus ac yn effeithiol. Cefnogi'r Cadeirydd yn ei rôl a bod yn Gadeirydd dros dro yn achos absenoldeb y Cadeirydd.

Cyfrifoldebau:

- Cefnogi'r Cadeirydd i reoli'r drafodaeth mewn Paneli Staff-Myfyrwyr
- Cymryd rôl a dyletswyddau'r Cadeirydd os bydd yn absennol o'r Paneli Staff-Myfyrwyr
- Cadarnhau camau gweithredu sy'n deillio o gyfarfodydd.
- Cefnogi'r Cadeirydd i osod y dyddiad ar gyfer y Paneli Staff-Myfyrwyr, a chadarnhau'r agenda ymlaen llaw
- Gweithio gyda'r Cadeirydd i wahodd staff a myfyrwyr perthnasol i'r paneli
- Gweithio mewn partneriaeth â'r Cadeirydd a'r Cydlynnydd Cynrychiolwyr Myfyrwyr
- Hyrwyddo ymddygiad proffesiynol yn y Paneli Staff-Myfyrwyr
- Mynychu Neuadd y Dref Cynrychiolwyr Myfyrwyr gyda Deoniaid y Colegau

Paneli Staff Myfyrwyr

Paneli Staff Myfyrwyr (PSMau) yw'r cyfarfodydd allweddol a fynychir gan Gynrychiolwyr Academaidd y Myfyrwyr a staff eich ysgol. Diben y cyfarfodydd hyn yw siarad am syniadau a meysydd i'w gwella ar eich cwrs a'ch profiad addysgol yn gyffredinol. Disgwylir i chi fynychu'r cyfarfodydd hyn gydag adborth gan eich carfan. Bydd dau gynrychiolydd (Cadeirydd ac Is-Gadeirydd) yn gyfrifol am gadeirio'r cyfarfod a bydd aelod o staff yr ysgol yn gyfrifol am gymryd cofnodion.

Beth allaf ei ddisgwyl gan Banel Staff Myfyrwyr?

Eich Paneli Staff Myfyrwyr fydd y prif gyfle i chi roi adborth i staff perthnasol. Mae'n hanfodol eich bod yn paratoi ar gyfer y cyfarfod drwy gasglu adborth gan eich cyfoedion ymlaen llaw, a thrwy ddarllen drwy unrhyw ddogfennau a anfonir atoch. Os neilltuwyd gweithred i chi mewn cyfarfod blaenorol, gwnewch yn siŵr bod gennych ddiweddariad i'w roi i'r holl staff a myfyrwyr.

Pwy fydd yno?

Aelodaeth y myfyrwyr:

- Cadeirydd ac Is-Gadeirydd etholedig
- Cynrychiolwyr Academaidd y Myfyrwyr
- Aelod pwyllgor o'r gymdeithas academaidd berthnasol (lle bo'n berthnasol)

Aelodaeth y Staff:

- Cydlynnydd Cynrychiolwyr Myfyrwyr
- Arweinydd Profiad Myfyrwyr
- Staff ysgol priodol
- Llyfrgellwyr pwnc
- Unrhyw aelod arall o staff a ystyrir yn hanfodol i eitem ar y drefn gylch

Os oes gennych rywbeth penodol yr hoffech ei drafod, gwnewch yn siŵr eich bod yn gofyn iddo gael ei ychwanegu at yr agenda ymlaen llaw. Bydd hyn yn rhoi cyfle i'r Cadeirydd neu'r Cydlynnydd Cynrychiolwyr y Myfyrwyr wahodd unrhyw aelodau staff angenrheidiol pellach i fynychu.

Pa mor aml yw'r Paneli Staff Myfyrwyr?

Dylai eich Paneli Staff Myfyrwyr gyfarfod o leiaf dair gwaith y flwyddyn – unwaith y tymor. Fel Cynrychiolydd Academiaidd Myfyrwyr, disgwylir i chi fynd i bob Panel Staff Myfyrwyr. Os na allwch fod yn bresennol, rhaid i chi anfon ymddiheuriadau (a diweddariad ar unrhyw adborth a gawsoch) at y panel ymlaen llaw. Mae pob ysgol yn wahanol, felly efallai y cewch eich gwahodd i fwy o Baneli Staff Myfyrwyr yn ystod y flwyddyn. Mae'n bwysig eich bod yn cynnal presenoldeb da a siarad â'ch Cydlynnydd Cynrychiolwyr Myfyrwyr os ydych yn cael trafferth.

Sylwch, os nad ydych yn mynychu Paneli Staff Myfyrwyr ac nad ydych yn anfon ymddiheuriadau, efallai y cewch eich tynnu o'ch rôl.

Oes gennych chi syniad neu fater cyn eich Panel Staff Myfyrwyr?

Ni all rhai materion aros tan Banel Staff Myfyrwyr. Os oes mater brys, mae'n werth ei godi gydag aelod o staff cyn y cyfarfod. Os oes angen cymorth arnoch i wneud hynny, cysylltwch â **StudentReps@Caerdydd.ac.uk**.



Casglu Adborth

Mae casglu adborth gan fyfyrwyr yn rhan allweddol o rôl Cynrychiolydd Academaidd. Mae'n bwysig cofio cysylltu â phob myfyriwr wrth gasglu adborth, a gallwch wneud hyn yn y modd sydd mwyaf cyfforddus i chi. Byddwch yn ystyriol o wneud eich cyfathrebu yn hygyrch ar gyfer yr holl fyfyrwyr - bydd rhagor o wybodaeth ar gyfathrebu yn cael ei rhannu yn yr hyfforddiant CAM.

Shoutouts mewn Darlith

Mae cymryd ychydig funudau yn ystod darlith i ofyn am adborth yn ffordd gyflym ac effeithiol o gyrraedd nifer fawr o fyfyrwyr ar unwaith. Gallwch ofyn am sylwadau ar lafar, annog myfyrwyr i siarad â chi wedyn, neu eu cyfeirio at ffurflen ar-lein.

E-byst

Mae anfon e-byst at eich cyd-fyfyrwyr yn caniatáu ichi rannu gwybodaeth glir am yr adborth rydych chi'n chwilio amdano a sut y bydd yn cael ei ddefnyddio. Mae'r dull hwn yn gweithio'n dda ar gyfer darparu diweddariadau, dilyn problemau, neu gyfeirio pobl at arolygon.

Arolygon ac Offer Ar-lein (e.e. Mentimeter, Slido)

Mae offer digidol fel arolygon neu lwyfannau pleidleisio byw (fel Mentimeter) yn ei gwneud hi'n hawdd casglu adborth strwythuredig. Gellir eu defnyddio'n ddienw ac maent yn arbennig o ddefnyddiol ar gyfer casglu ymatebion ar raddfa fawr neu yn ystod sesiynau byw.


Cyfryngau Cymdeithasol

Gall defnyddio sgysiau grŵp cwrs neu lwyfannau cyfryngau cymdeithasol (e.e. WhatsApp, Facebook, Instagram) eich helpu i ymgysylltu â myfyrwyr mewn ffordd fwy anffurfiol. Mae'r sianeli hyn yn ddefnyddiol ar gyfer cychwyn sgysiau, casglu barn gyflym, a chadw adborth yn barhaus.

Gall defnyddio cymysgedd o'r dulliau hyn eich helpu i glywed gan fwy o fyfyrwyr a chael darlun clir o'u profiadau.

Y Ddolen Adborth

Dyma'r Ddolen Adborth, sy'n dangos sut mae adborth yn cael ei godi a'i adolygu trwy'r system Cynrychiolaeth Academaidd Myfyrwyr (CAM). Mae'r ddolen adborth yn ffurfio proses parhaol y mae CAM a staff Prifysgol yn ei ddilyn yn ystod y flwyddyn academaidd.



Mae cwblhau'r ddolen adborth yn bwysig iawn er mwyn i fyfyrwyr cael gweld y newidiadau a phenderfyniadau sy'n digwydd o fewn eu cyrsiau o ganlyniad i rannu eu syniadau a safbwynt gyda CAMau & staff Prifysgol. Dylai CAM a staff Prifysgol weithio gyda'i gilydd i ddiweddarau myfyrwyr am unrhyw benderfyniadau wedi'u gwneud o ganlyniad i adborth myfyrwyr. Gall myfyrwyr wedyn darparu sylwadau am y camau/penderfyniadau yma i'r CAM ac mae hyn yn galluogi'r ddolen adborth i barhau.

Mae'r ddolen adborth yn helpu cadw myfyrwyr yn wybodus am ganlyniadau eu hadborth a'r camau/penderfyniadau sy'n cael eu cymryd o ganlyniad.

Neuaddau Tref Cynrychiolwyr Myfyrwyr

Mae Neuaddau Tref Cynrychiolwyr Myfyrwyr yn lle newydd i Gynrychiolwyr Academaidd Myfyrwyr ddod ynghyd, rhannu profiadau, a chodi materion allweddol o bob rhan o'u cyrsiau. Mae'r sesiynau hyn wedi'u cynllunio i gryfhau llais y myfyrwyr trwy greu trafodaethau mwy agored, hyblyg a chydweithredol rhwng Cynrychiolwyr, Undeb y Myfyrwyr, a staff y Brifysgol. Mae Neuaddau Tref yn disodli'r Fforymau Coleg blaenorol, gan gynnig ffordd fwy penodol a diddorol o drafod adborth myfyrwyr a nodi meysydd i'w newid.

Beth yw Neuaddau Tref Cynrychiolwyr?

Mae Neuaddau Tref Cynrychiolwyr yn gyfarfodydd rhyngweithiol lle gall Cynrychiolwyr Academaidd Myfyrwyr:

- Rhannu adborth a materion sy'n dod i'r amlwg o'u cyrsiau
- Cael pwynt cyswllt â'ch swyddogion sabothol a fydd yn defnyddio'ch adborth
- Trafod themâu cyffredin ar draws Ysgolion a Cholegau
- Amlygu enghreifftiau o arfer da
- Archwilio atebion a chyfleoedd ar gyfer cydweithio
- Codi materion y gallai fod angen sylw y tu hwnt i lefel yr Ysgol

Mae'r sesiynau hyn yn llai ffurfiol na chyfarfodydd eraill ac wedi'u cynllunio i annog sgwrs agored a chyfranogiad gweithredol.

Strwythur Neuadd y Dref

Neuaddau Tref Coleg (Cynrychiolwyr wedi'u haddysgu)

- Neuadd y Dref Cynrychiolwyr: AHSS (Y Celfyddydau, y Dyniaethau a'r Gwyddorau Cymdeithasol)
- Neuadd y Dref Cynrychiolwyr: BLS (Gwyddorau Biofeddygol a Bywyd)
- Neuadd y Dref Cynrychiolwyr: PSE (Gwyddorau Ffisegol a Pheirianneg)

Mae'r sesiynau hyn yn dwyn ynghyd Gynrychiolwyr Addysgol Israddedig ac Ôl-raddedig ym mhob Coleg i ganolbwyntio ar themâu cyffredin a materion sy'n effeithio ar y Coleg cyfan.

Neuadd y Dref Traws-Golegol (Cynrychiolwyr Ymchwil)

- Neuadd y Dref Cynrychiolwyr: PGR

Mae'r sesiwn hon yn dod â Chynrychiolwyr Ymchwil Ôl-raddedig o bob cwr o'r Brifysgol ynghyd i ganolbwyntio ar anghenion a phrofiadau penodol myfyrwyr Ymchwil Ôl-raddedig.

Cyfleoedd Datblygu

Fel Cynrychiolydd Academaidd Myfyrwyr, byddwch yn cael y cyfle i ymwneud â nifer o weithgareddau eraill Undeb y Myfyrwyr. Byddwn yn rhoi'r wybodaeth ddiweddaraf i chi am gyfleoedd pellach trwy ein cylchlythyrau misol!

- **System haenu Gwobrwyo a Chydnabyddiaeth Cynrychiolwyr :** Byddwch y cynrychiolydd gorau y gallwch fod drwy weithio tuag at efydd, arian neu aur.
- **Pwyllgorau Gweithredol Swyddogion Sabothol:** Byddwch rhan o Bwyllgor Gweithredol a gweithio gyda'r Swyddogion etholedig ar eu hymgyrchoedd, eu syniadau a'u hawgrymiadau ar gyfer gwella.
- **Sesiynau Arweinwyr Myfyrwyr:** Ymgysylltwch â'n sesiynau trwy gydol y flwyddyn i ddatblygu sgiliau, adeiladu gwybodaeth, a rhwydweithio gyda Chynrychiolwyr eraill.


- **Cylchlythyr Cynrychiolwyr Academaidd Myfyrwyr:** byddwch yn derbyn cylchlythyr yn rheolaidd ar gyfer Cynrychiolwyr sy'n cynnwys amrywiaeth o gyfleoedd datblygu a digwyddiadau i gymryd rhan ynddynt.
- **Byddwch yn arloeswr ar gyfer prosiect ysgol:** mae cynrychiolwyr y blyneddod blaenorol wedi arwain eu sesiynau adeiladu tîm eu hunain, wedi cynnal digwyddiadau cymdeithasol, ac wedi gweithio ar brosiectau yn seiliedig ar adborth myfyrwyr yn eu hysgol. Cysylltwch â Thîm Llais y Myfyrwyr neu Swyddogion etholedig os oes gennych ddiddordeb mewn arloesi gyda phrosiect eich hun!

Prosesau Democrataidd

Cyn gynted ag y byddwch yn cofrestru ym Mhrifysgol Caerdydd, rydych yn aelod yn awtomatig o Undeb Myfyrwyr Caerdydd. Mae hyn yn golygu bod gennych yr hawl i wneud penderfyniadau hollbwysig ar yr hyn y mae'r Undeb yn ei wneud a sut mae'n cael ei redeg. Mae yna lawer o ffyrdd y gallwch wneud hyn:

Senedd y Myfyrwyr

Senedd y Myfyrwyr yw corff llunio polisiau Undeb y Myfyrwyr, ynghyd â'r Cyfarfod Cyffredinol Blyneddol a'r Refferenda. Gall unrhyw fyfyrwr gyflwyno cynnig i'w drafod ac ymgeisio i fod yn Seneddwr Myfyrwyr. Mae gan y Senedd yr awdurdod i lunio ac adolygu polisi, gan sicrhau bod gwaith Undeb y Myfyrwyr yn cyd-fynd â gwerthoedd ein myfyrwyr. Polisiau a basiwyd gan Senedd y Myfyrwyr yw'r fframwaith y mae'r Undeb a'i Swyddogion Etholedig yn gweithredu ynddo. Fel Cynrychiolydd Academiaidd Myfyrwyr, efallai y cewch le ar hap i eistedd ar un o'n cyfarfodydd Senedd Myfyrwyr - cyfle gwych i chi fynd â'ch rôl fel Cynrychiolydd ymhellach!



Cyfarfod Cyffredinol Blyneddol (CCB)

Mae'r Cyfarfod Cyffredinol Blyneddol (CCB) yn fforwm mawr lle mae amrywiaeth eang o fyfyrwyr yn dod i drafod a phenderfynu ar gyfeiriad Undeb y Myfyrwyr. Fel arfer, cynhelir y CCB ddiwedd mis Tachwedd, ac rydym yn defnyddio'r CCB i fabwysiadu safbwynt ar y cyd ar fater a phenderfynu pa gamau y bydd Undeb y Myfyrwyr yn eu cymryd.

Fel Cynrychiolydd, y CCB yw un o'r cyfleoedd pwysicaf i chi sicrhau bod barn eich myfyrwyr yn cael ei chynrychioli. Drwy fynychu, gallwch gyfrannu at ddadleuon, pleidleisio ar gynigion, a helpu i lunio blaenoriaethau ac ymgyrchoedd Undeb y Myfyrwyr. Mae'r penderfyniadau a wneir yn y CCB yn dylanwadu ar waith yr Undeb drwy gydol y flwyddyn, felly mae eich cyfranogiad yn helpu i sicrhau bod anghenion a phrofiadau eich myfyrwyr yn cael eu hadlewyrchu yn y cyfeiriad y mae'r Undeb yn ei gymryd.

Tystysgrifau Cynrychiolwyr

Gall bod yn Gynrychiolydd fod yn hynod werth chweil ynddo'i hun, ond rydym hefyd yn cydnabod y gwaith caled, yr amser a'r ymdrech sy'n mynd i fod yn Gynrychiolydd Academaidd Myfyrwyr. Rydym wedi cyflwyno system bwyntiau sy'n cydnabod y gwaith rydych chi'n ei wneud, ac sy'n cael ei defnyddio i gyfrifo'r dystysgrif byddwch yn ei derbyn ar ddiwedd y flwyddyn academaidd (efydd, arian, aur). Gallwch ennill pwyntiau fel a ganlyn

Gweithgaredd	Pwyntiau
Mynychu Hyfforddiant	10 pwynt
Mynychu Panel Staff Myfyrwyr	5 pwynt ar gyfer pob un o'r 3 SSP sy'n ofynnol
Cadeirio / Is-Gadeirio Panel Staff Myfyrwyr	3 pwynt
Mynychu Neuadd y Dref Cynrychiolwyr	3 pwynt
Mynychu CCB yr Undeb	3 pwynt
Cwblhau Arolwg Cynrychiolwyr diwedd blwyddyn	2 pwynt
Derbyn enwebiad ESLA	2 pwynt
Gwneud enwebiad ESLA	1 pwynt
Ymgysylltu â'ch cymdeithas sy'n gysylltiedig â chwrs	1 pwynt

Er mwyn derbyn eich tystysgrif cynrychiolydd, bydd angen i chi lenwi ein Harolwg Cynrychiolwyr ar ddiwedd y flwyddyn ym mis Mai, a chwblhau Hyfforddiant Cynrychiolwyr Academaidd Myfyrwyr fel y gallwn gyfrifo eich pwyntiau. Cadwch lygad ar ein cylchlythyrau cynrychiolwyr misol am ragor o wybodaeth.

EFYDD



ARIAN



AUR



Gwobrau Cynrychiolwyr Academaidd Myfyrwyr

Mae Cynrychiolwyr Academaidd Myfyrwyr (CAMau) yn gwirfoddoli eu hamser i gynrychioli lleisiau myfyrwyr ar draws eu cwrs a'r Brifysgol. Gall y rôl yma fod hynod gwerth chweil yn ei hun, ac mae'n gyfle gwych i dyfu'ch sgiliau cyfathrebu a chydweithio. Ond rydym hefyd am gydnabod y gwaith caled ac amser y mae CAMau yn eu hymroi i'r rôl, sef pam gwnaethom gyflwyno system Gwobrau Cynrychiolwyr newydd y llynedd.

Mae'r system wobrwyo yn eich galluogi i gyfnewid Pwyntiau Cynrychiolwyr byddwch yn eu casglu trwy fynychu gwahanol ddigwyddiadau a gweithgareddau yn ystod y flwyddyn academaidd (gweler tudalen 18 am fanylion pellach am y pwyntiau gallwch eu hennill).

Gallwch gyfnewid eich Pwyntiau Cynrychiolwyr am wobrau ar ddiwedd y flwyddyn academaidd.

Roedd rhai o'r gwobrau a hawliwyd y llynedd yn cynnwys:

- Potel dŵr Cynrychiolwyr Academaidd Myfyrwyr
- Mwg Caru Caerdydd gyda logo Prifysgol Caerdydd
- Llyfr nodiadau Caru Caerdydd gyda logo Prifysgol Caerdydd

Rennir mwy o wybodaeth am wobrau ar gyfer y flwyddyn academaidd 26-27 yng nghylchlythyr semester dau



Cyfeirio

Fel Cynrychiolydd Academaidd mae'n bwysig bod yn ymwybodol o'r gwahanol wasanaethau ar draws y Brifysgol ac Undeb y Myfyrwyr er mwyn i chi allu cyfeirio myfyrwyr at y cysylltiadau priodol pe baent yn cysylltu â chi gyda mater sydd y tu allan i gasglu ac adrodd adborth.

Yn eich rôl fel Cynrychiolydd Academaidd, **NID** oes disgwyl i chi ddelio â:

- Anghydfodau rhwng myfyrwyr a staff academaidd (e.e. aflonyddu, gwahaniaethu)
- Gweithdrefnau ffurfiol, (e.e. methiannau arholiadau, apeliadau academaidd, cymhwysedd i ymarfer, amgylchiadau esgusodol)
- Ymholiadau ariannol, cyllido
- Problemau lles, materion iechyd a phersonol (e.e. tai, cyflogaeth a mewnfudo.)

Os bydd myfyriwr yn dod atoch gyda phroblem, ac rydych yn ansicr i ble y dylid ei gyfeirio, cysylltwch â **studentreps@caerdydd.ac.uk**

Isod mae rhai o'r gwasanaethau a phobl allweddol i fod yn ymwybodol ohonynt:

Cyflogadwyedd

Siopswyddi

Mae'r Siop Swyddi yn wasanaeth cyflogaeth am ddim i fyfyrwyr sy'n ceisio dod o hyd i gyflogaeth achlysurol ar gyfer myfyrwyr cofrestredig Prifysgol Caerdydd. Mae cyfleoedd ar gael o fewn y Brifysgol, Undeb y Myfyrwyr a gyda chyflogwyr lleol. Maent wedi'u lleoli ar 3ydd llawr adeilad Undeb y Myfyrwyr.

Jobshop@cardiff.ac.uk

02920 781535

cardiffstudents.com/jobshop

Dyfodol Myfyrwyr

Cyngor gyrfaol a gwybodaeth, profiad gwaith, cyfleoedd, symudedd rhyngwladol (astudio, gweithio neu wirfoddoli tramor) menter myfyrwyr a chymorth dechrau busnes, Gwobr Caerdydd ac amrywiaeth o weithdai sgiliau a nodweddion cyflogadwyedd.

- Ymwelwch â thîm Dyfodol Myfyrwyr wyneb-yn-wyneb, ar lawr cyntaf Canolfan Bywyd y Myfyrwyr.

Cyngor i Fyfywrwr

Mae'r tîm Cyngor i Fyfywrwr yn darparu cyngor a gwybodaeth annibynnol, eiriolaeth, cynrychiolaeth a chefnogaeth drwy wasanaeth cyfrinachol, diduedd, annibynnol ac am ddim i aelodau Undeb y Myfywrwr. Dewch i 3ydd Llawr Undeb y Myfywrwr i, drefnu apwyntiad, neu ebostiwrch neu ffoniwch y tîm. Os bydd myfyriwr yn dod atoch gydag unrhyw un o'r materion hyn, cyfeiriwch nhw at Cyngor i Fyfywrwr

- **Materion Academiaidd** – apeliadau, cyngor ar ymddygiad myfywrwr, newidiadau i'ch cwrs/telerau ac amodau, amgylchiadau esgusodol, adolygu trwy Ramadan, Cymorth Adolygu, Arfer Annheg, Addasrwydd i Ymarfer.
- **Iechyd a Lles** – iechyd meddwl, iechyd rhywiol
- **Tai** – gwirio cytundebau tai, anghydfodau gyda landlordiaid, rhestriadau tai ac ati.
- **Cyflwyno cwynion am y Brifysgol** - Undeb y Myfywrwr a myfywrwr eraill

Angen Cyngor?

Advice@Cardiff.ac.uk
029 2078 1410
cardiffstudents.com/advice

Sesiynau galw heibio

Os ydych chi'n poeni amdanoch chi'ch hun neu fyfyriwr arall, mae croeso i chi fynychu Cyngor i Fyfywrwr am sesiwn galw heibio. Mae'r rhain yn rhedeg 10-3yp ar drydydd llawr Undeb y Myfywrwr ar ddydd Llun, dydd Mercher a dydd Gwener.

Cyngor Brys

Os ydych mewn sefyllfa sy'n cynnwys perygl, bwriad hunanladdol, arfau, bygythiad niwed, niwed ffisegol, marwolaeth neu derfysgaeth ac angen cymorth brys ffoniwch **999** ac wedyn rhwch wybod i'r Tîm Diogelwch trwy ffonio **+44 (0)29 2087 4444**.

Gallwch hefyd gwblhau ffurflen gyfeirio'r Tîm Ymyrraeth Myfywrwr ar y fewnwyd os yw'r sefyllfa'n cynnwys: risg i'ch hun neu eraill, ymddygiad ansefydlog, newidiadau mewn ymddygiad, ymddieithrio, neu unigolyn coll. Bydd Tîm Ymyrraeth Myfywrwr y Brifysgol yn ymateb i'ch pryderon, ac yn ateb eich ymholiad o fewn un diwrnod lle'n bosibl, rhwng 10:00 a 16:00 dydd Llun i ddydd Gwener (ac eithrio gwyliau banc) yn ystod tymhorau'r brifysgol yn unig.

Am gymorth 24/7 gan GIG Cymru, ffoniwch 111 neu ewch i GIG 111 Cymru.

Mae cymorth Iechyd Meddwl 24/7 GIG ar gael drwy ffonio 111 a phwyso Opsiwn 2.

Cliciwch yma am mwy o gyngor brys ar gyfer sefyllfaoedd penodol.

Gwasanaethau Bywyd Myfyrwyr

Cyswllt Myfyrwyr

Cyswllt Myfyrwyr yw eich pwynt cyswllt cyntaf os oes angen unrhyw gymorth arnoch wrth astudio ym Mhrifysgol Caerdydd. Gall y tîm ateb eich ymholiadau, dosbarthu neu eich cyfeirio at ein timau Bywyd Myfyrwyr neu adnoddau eraill perthnasol pe bai angen.

Am wybodaeth am brosesau'r Brifysgol, help i gael mynediad at gymorth neu am unrhyw ymholiad, cysylltwch â Chyswllt Myfyrwyr.

I gysylltu â Chyswllt Myfyrwyr gallech:

- **ymweld â thîm Cyswllt Myfyrwyr wyneb-yn-wyneb, ar lawr waelod Canolfan Bywyd y Myfyrwyr**
- **ddefnyddio ein porth Cyswllt Myfyrwyr ar-lein ein ffonio ni ar +44 (0)29 2251 8888**

Mae Cynghorwyr Cyswllt Myfyrwyr ar gael rhwng 08:00 –18:00, ddydd Llun i ddydd Gwener.

Cyngor ac Arian

Cyngor ar faterion academiaidd, cyngor cyllido, sgiliau ariannol & chronfeydd argyfwng a bwrsariau & ysgoloriaethau.

Iechyd a Lles

Cyngor ymarferol a chymorth am iechyd a lles da, sydd hefyd yn cynnig apwyntiadau ar-lein & wyneb-yn-wyneb, gwasanaeth galw heibio, gweithdai, adnoddau hunangymorth, cyngor brys a gwasanaeth iechyd galwedigaethol.

Gwasanaeth Anabledd Myfyrwyr

Cymorth a chyngor i fyfyrwyr ag anableddau, gwasanaethau cymorth arbenigol, hwyluso hygyrchedd ac addasiadau gan gynnwys addasiadau i arholiadau.

Cymorth Fisa i Fyfyrwyr

Cymorth ymarferol i fyfyrwyr rhyngwladol sy'n cynnig cyngor ynghylch mewnfudo & chymorth gyda cheisiadau i ymestyn fisas, canllawiau ar reoliadau cyflogaeth, cyngor ariannol a gwybodaeth am fywyd bob dydd yn y DU.

Sgiliau Astudio Academiaidd

Cynnig amrywiaeth eang o ddsbarthiadau sy'n ymdrin â phynciau fel cyfeirio mewn traethawd, sgiliau cyflwyno ac ysgrifennu traethodau, tiwtorialau ar-lein ac adnoddau, awgrymiadau a chymorth unigol.

Hybs

Am gymorth wedi'i deilwra sy'n ymwneud â'ch disgyblaeth gradd benodol, ewch i'r Hyb ar gyfer eich ysgol. Os oes gennych ymholiad cyffredinol nad yw'n gysylltiedig â'ch gradd, gallwch ymweld ag unrhyw Hyb ar draws ein campysau neu siarad â'r tîm Cyswllt Myfyrwyr yng Nghanolfan Bywyd Myfyrwyr.

Peidiwch ag anghofio cadw llygad ar ddigwyddiadau a gweithdai defnyddiol ar-lein ac wyneb-yn-wyneb sy'n ymdrin â phob math o destunau trwy gydol y flwyddyn.

Taclo'r Termau!

Byrddau Astudio

Cyfarfodydd ffurfiol sy'n dod â Phenaethiaid Ysgolion ynghyd ag aelodau staff priodol i drafod materion gweinyddol ac academiaidd sy'n ymwneud â rhaglenni a ddarperir yn yr Ysgol.

Swyddogion Ymgyrchu

Grŵp o fyfyrwyr sy'n cael eu hethol bob blwyddyn i gynrychioli grwpiau rhyddfrydol. Swyddi gwirfoddol, rhan-amser yw'r rhain a gymerir ochr yn ochr ag astudiaethau'r Swyddogion. Mae'r swyddi'n cynnwys: Swyddog Gwrth-Hiliaeth, Swyddog Myfyrwyr Dieithriedig, Swyddog Iechyd Meddwl, Swyddog Moesegol ac Amgylcheddol, Swyddog Hygyrchedd, Swyddog LHDT+ (Swydd Agored), Swyddog LHDT+ (Swydd Traws), Swyddog Menywod, Swyddog Myfyrwyr Hŷn a Gofalwyr Myfyrwyr a Swyddog Rhieni.

Côd Ymarfer

Dogfen a grëwyd mewn partneriaeth ag Undeb y Myfyrwyr a'r Brifysgol sy'n amlinellu cyfrifoldebau a gofynion gofynnol pawb sy'n ymwneud â hwyluso'r system Cynrychiolaeth Academiaidd Myfyrwyr.

Pwyllgor Addysg a Phrofiad Myfyrwyr (PAPhM)

Mae gan y Brifysgol Pwyllgorau Addysg a Phrofiad Myfyrwyr ar sawl lefel, sydd â'r nod strategol o wella dysgu a darpariaeth addysg ar draws y Brifysgol. Mae 16 ESEC wedi'u seilio mewn ysgolion, sy'n cwrdd i drafod darpariaeth ysgolion unigol. Mae'r pwyllgorau ysgol yma'n adrodd yn ôl at ESECs colegau, sy'n edrych ar ddarpariaeth ar draws y coleg ehangach. Yn olaf, mae ESECs y colegau yn adrodd at ESEC y Brifysgol, sy'n edrych ar ddarpariaeth gyfunol ar draws yr holl bynciau. Gall ysgolion estyn allan at CAMau i weld os hoffent ddarparu safbwynt myfyrwyr mewn cyfarfod ESEC ysgol, a gall Undeb y Myfyrwyr ddarparu hyfforddiant ychwanegol ar gyfer hyn.



Swyddogion Sabothol

Dyma grŵp o saith myfyriwr sy'n cael eu hethol bob blwyddyn i gynrychioli barn Caerdydd myfyrrwyr. Swyddi cyflogedig yw'r rhain ac mae yna saith gwahanol faes: Llywydd ac Is-lywyddion ar gyfer Myfyrrwyr Rhyngwladol, Ôl-raddedigion, Y Gymraeg, Campws Parc y Mynydd Bychan, Cymdeithasau a Gwirfoddoli, a Chwaraeon a Llywydd yr UA.

Cydlynnydd Cynrychiolwyr Myfyrrwyr (CCM)

Aelod o staff o'ch ysgol sy'n hwyluso recriwtio a sefydlu cynrychiolwyr myfyrrwyr, yn darparu cymorth gweinyddol i gyfarfodydd ac yn gweithio'n agos gydag Undeb y Myfyrrwyr i sicrhau cynrychiolaeth a chyfleoedd effeithiol i fyfyrrwyr.

Cyswllt Myfyrrwyr

Gwasanaeth sy'n cael ei redeg gan y Brifysgol sydd wedi'i leoli yng Nghanolfan Bywyd y Myfyrrwyr sy'n cynnig cronfeydd caledi, cyngor cyffredinol, cymorth rhyngwladol a gwasanaethau cwnsela.

Panel Staff Myfyrrwyr (PSM)

Cyfarfodydd sy'n dod â Chynrychiolwyr Academaidd y Brifysgol a staff yr Ysgol ynghyd i drafod materion sy'n effeithio ar boblogaeth y myfyrrwyr ar lefel leol. Disgwylir i chi fynychu'r cyfarfodydd hyn fel rhan o'ch rôl.

Tîm Llais y Myfyrrwyr

Y tîm sy'n darparu eich hyfforddiant, cefnogaeth a sy'n rhoi cyngor sy'n benodol i'ch rôl. Gallwch gysylltu â'r tîm os oes gennych unrhyw awgrymiadau neu gwynion ynghylch strwythur Cynrychiolwyr Academaidd Myfyrrwyr.

Oes gennych chi ragor o gwestiynau?

Evch i'n Cwestiynau Cyffredin ar ein gwefan yma:
cardiffstudents.com/your-voice





Cardiff
Students'
Union

Undeb
Myfyrwyr
Caerdydd

Llwyddiannau Myfyrwyr

Rydym wrth ein bodd yn clywed am y llwyddiannau a gawsoch yn ystod eich amser fel Cynrychiolydd Academiaidd Myfyrwyr! Rhannwch eich llwyddiannau gyda ni trwy gysylltu

Edrychwch ar ein [buddugoliaethau myfyrwyr presennol](#)

Cysylltu â'ch Swyddogion Sabothol



Lizzie
IL Myfyrwyr Israddedig

✉ VPUndergraduate@Cardiff.ac.uk

📷 @VPUndergraduateCSU 📘 VPUndergraduateCSU



Sean
IL Myfyrwyr Ôl-raddedig

✉ VPPostgraduate@Cardiff.ac.uk

📷 @VPPostGradCSU 📘 PGradOfficerCSU



Owain
IL y Gymraeg

✉ VPCymraeg@Cardiff.ac.uk

📷 @VPCymraegCSU 📘 VPWelshLangCSU



Lakshmi
IL Myfyrwyr Rhyngwladol

✉ VPInternationalStudents@cardiff.ac.uk

📷 @IntOfficerCSU 📘 InternationalOfficerCSU